

Franckesche Stiftungen zu Halle

**Joh. Andr. Qvenstedii, SS. Theol. D. & Prof. Publ. Ordin. in
Acad. Witteberg, Ethica Pastorum, & Instructio Cathedralis,
sive Monita, Omnibus ac ...**

Quenstedt, Johann Andreas

Wittebergæ, 1708

VD18 13565508

XI. Ad studium Homileticum non accedat, nisi positis Theologiae fundamentis &
artis dicendi praeceptis probè cognitis.

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

[urn:nbn:de:gbv:ha33-1-213082](https://nbn-resolving.org/urn:nbn:de:gbv:ha33-1-213082)

His titulis deinde subijce mixtim ac sine ordine meliora dicta, sententias, Concionum themata, omnigenos conceptus & discursus, dispositiones, præmeditationes, audita, lecta, cogitata, aliâq; omnia quæ ad Evangelium, quod titulus præmonstrat, explicandum ac illustrandum facere videntur. Ac ubi hunc illumve quaternionem impleveris, alium atq; alium appones. Vide *Drexelium* hæc fusius tradentē. Huc pertinent verba *B. D. Christ. Chemnitij Meth. Concion. part. I. Reg. 2. pag. 54. Proderit studiosæ juventuti*, inquit, *sic ea, quæ in concionibus audiverint, in quoddam manuale consignent, vel ad Evangelia Dominicalia notent. Habebunt enim postea meditationes insigniores, tanquam in thesauro repositas, quibus cum fructu poterunt uti.*

XI.

Ad studium Homileticum non accedat, nisi positis Theologiæ fundamentis & artis dicendi præceptis probe cognitis.

Εὐχρηστis.

Benè monet *Siracides*, moralis ille ac verè divinus Philosophus Ecclesiasticus in suo πα-
vapiu

ὡς πρὶν (ut appellat *Hieronymus* in cap. IX. Da-
 niel.) cap. XVIII. 19. πρὶν ἢ λαλῆσαι, μάθεαι, *an-*
tequam loquaris, discce, quæ verba Hugo, Ly-
 ranus, Carthusianus, Janfenius, alii ita ex-
 ponunt: illum, qui alios docere velit, prius
 discere debere, & auditorem prius se profi-
 teri, quàm Doctorem. Necessè itaq; est, ut is,
 qui cum fructu in hoc studiorum genere ver-
 fari cupit, antequam praxin Concionatoriā
 aggrediatur, l. *fundamenta Theologiæ* ritè ponat,
 h. e. ut post Lingvarum & Artium, quæ libe-
 ralium nomine venire solent, peritiā, ac
 sedulam Scripturæ S. lectionem, divinæ veri-
 tatis *σωματοποιήσιν*, sive articulorum Christia-
 næ fidei ordinatam compagem, quam *ὑποτύ-*
πωσιν ὑγιαίνοντων λόγων S. Paulus appellat 2. Tim.
 I. 13. animo prius infigat & locorum Theolo-
 gicorum *ἐπιτομὴν στοιχειωτικήν*, ut *Eusebius* vocat,
 iusto ordine perdiscat; *Augustanam Confes-*
sionem, quæ summa fidei & religionis ortho-
 doxæ capita continet, ac reliquos Ecclesia-
 rum nostrarum *Libros Symbolicos* semel at-
 que iterum evolvat, & aliqualem Contrö-
 versiarum Theologicarum notitiā sibi
 comparet. Hinc B. Gerhardus in *Method.*
Stud. Theol. cap. 2. scribit; *Cum graviter im-*
pingere soleant, qui nondum percepta doctrinæ
cælestis cognitione ac iudicio nondum confirma-
 F to ad

to ad conciones habendas properant, ideo in
 quartum Studiorum annum Homiliarum Eccle-
 siasticarum Exercitium rejicere volumus, nihil
 interim prescribimus illis, qui vel ingenii singu-
 lari bonitate adjuti, vel rei familiaris necessita-
 te compulsi ad hanc Theologici Studii metam
 ac praxin citius adspirant. Benè Dn. D. Calovius
 in Pædia Theolog. de Meth. Stud. Theol. ar-
 tic. poster. cap. VI. Can. I. pag. 320. Non præ-
 sumat, inquit. Theologiæ Tyro, qui nondum Cate-
 cheticum libellum paulò exactius absolverit aut
 Didacticam perceperit Theologiam & in Contro-
 versis aliqua solum ratione versatus sit, animum
 applicare studio Homiletico, multò minus irruere
 statim in Cathedram Ecclesiasticam. Quod ca-
 coëthes improbum, ut in Gymnasia etiam irrep-
 sit, ita meritò pios studiosorum animos ab hac pro-
 fanâ temeritate & audacia revocare debebat,
 cum ardua muneris hujus religiosissimi difficul-
 tas, tum sanctæ Communionis Ecclesiasticæ con-
 spectus & autoritas, ipsa SS. angelorum, imò SS.
 Trinitatis singularis gratiosa præsentia stipata &
 condecorata. Hæc ille. Sed audiamus potius
 Gregorium Nazianz. Apol. I. Nullò, inquit, do-
 cendi, discendiq. statutus est terminus; qui prius
 ferè docent, quam lenuginem ingressi sint, prius
 quam sacra volumina vel de nomine noverint,
 prius

prius, quam Novi Veterisq; Testam. signa, notasq;
 cognoverint, non enim dico, priusquam impura,
 flagitiaq; vitæ cœnum absterferint, easq; animæ
 feditates, quas peccatum adpersit. Si duas aut
 tres piæ voces edidicerint, ac ne id quidem ex le-
 ctione, sed ex auditione, aut Davidi nonnihil o-
 peræ dederint, aut pallium scitè contrahant, sta-
 tim ad cathedram & pulpitum prosiliunt. Qui
 itaq; planè juvenis est, nullamq; sibi scienti-
 am Theologicam comparavit, nec Institutio-
 nes quasdam Catecheticas probè cognitās
 habet, à Cathedrâ Ecclesiasticâ arceri debet.
 Prostituitur enim sic dignitas & reverentia
 Ministerii Ecclesiastici, putatq; Vulgus, rem
 levem esse & nullius ponderis, concionem
 habere, quæ etiam pueris & adolescentulis
 committi possit. II. *Artis dicendi præcepta te-
 neat.* Sive componendarum Concionum
 Methodum atq; ordinem perspectum habe-
 at; Quomodo enim concionem formabit,
 qui formandi illam secundum artis præcepta
 rationem ignorat? Suadeo autem, ut, qui ad
 sacram Christianorum Oratorum pergulam
 se parat, primum Dispositionibus ab aliis dex-
 tre elaboratis utatur, earumq; ductum se-
 quatur, donec proprio Marte & materiâ
 sacram disponere, & secundum artificium
 Rhetoricum tractare possit. Deinde ut in